

古文尚書鄭氏注箋釋

古文尚書鄭氏注箋釋卷二十三

曹元弼學

酒誥第二十 周書 古文尚書 鄭氏注

**箋云**史遷說周公旦懼康叔齒少告以紂之所以

亡者以淫於酒。酒之失婦人是用。故紂之亂自此

始。故謂之酒誥以命之。**釋曰**史公說據經在今後

嗣王酣身節舉全篇大義。

成王若曰明大命于妹邦。今本無成字據釋文及疏增

成王**所**此字衍言成道之王。疏妹邦紂之都所處也。

于詩國屬故其有風有沫之鄉。**則**衍字沫之北沫之

東。沫則

二字今補朝歌也。詩桑中疏。有脫誤。今讀正。

其民尤化紂

嗜酒。今祿父見誅。康叔為其連屬之監。

北卿衛。語疏。

三家

謂歐陽大。小夏侯。

說。王年長骨節成立。

疏。馬氏曰。

言成王者。未聞也。俗儒以為成王骨節始成。故曰

成王。或曰。以成王為少。成二聖之功。生號曰成王。

沒因為謚。衛賈以為戒。成康叔以慎酒。成就人之

道也。故曰成。此三者吾無取焉。吾以為後錄者加

之。未敢專從。故曰未聞也。妹邦。即牧養之地。

釋文。

曰康誥。酒誥梓材三篇。一氣銜接。皆周公之言。史

官以其文多。就事分篇。別為題目。此發首二句。直

承上篇末王若曰往哉封<sub>即</sub>蓋周公遣康叔之國  
保父殷民。因述王意明慎酒大命于殷邦。王語祇  
此一句。乃穆考文王以下皆周公代王出誥。使康  
叔以命殷民者也。稱成王者。周公攝政。身當大難  
之衝。而以成王為世子。使專意學道。如武王在時  
迄居攝四年。天下已平。王年已長。將及成人。君德  
日可<sub>進</sub>望。成文武之功。喜而謂之成王。自家庭言之。  
謂王骨節成立也。自朝廷言之。謂王道德有成也。  
成王之稱。已自官府達於四方。上篇呼王為孟侯。  
見其優為儲君之事也。此呼王為成王。見其年德

已成能成已成物他日可繼文武成周道也。周公對諸侯稱之。所以使庶邦繫心於王。為復辟歸政地也。諸家說成王義皆有合。馬氏以為追書則未是。江氏謂此特稱成王。係王自出誥。別於上篇之周公代誥。然康叔於成王為叔父。當如詩閟宮王曰叔父之例。今直云王曰封。則是以兄命弟至親。無文辭與上篇同耳。不稱殷邦稱妹邦者。殷土廣大。妹即詩沫之借字。據紂城及附近之地。化紂嗜酒尤甚者而言。妹鄉妹北妹東皆其地也。武庚居紂城朝歌。妹鄉正其地而偏南。自紂城而南謂之

鄘自妹地而北至紂北境謂之邶。自妹地而東至  
紂東境謂之衛。武庚三監既誅。更以四百里地封  
康叔為衛侯。作方伯。邶鄘在其所統連屬之內。盡  
監之。故總云明大命于妹邦。舉紂都所居以包所  
監之地。馬云即牧養之地者。段氏云。謂妹邦即牧  
野也。以妹同餽。案牧野正在朝歌南。紂城至此皆  
沫地。故曰沫鄉。鄭引詩釋之。文有脫誤。當讀正云  
於詩國屬鄘。故其風有沫之鄉。沫之北沫之東沫  
則朝歌也。沫妹同字。沫鄉兼紂城及城南之地。沫  
北沫東則則邑之北偏東偏。自紂城而北而東者。

也。

乃穆考文王。肇國在西土。厥誥庶邦。庶士。越少正御事。朝夕曰。祀茲酒。惟天降命肇我民。惟元祀。

**箋云**

肇始也。

說文

**釋曰**

此承成王意。諸康

叔

救戒妹邦。毋暎於酒。而上本之文王也。江氏云。

周家世次。文王弟當為穆。故傳穆考肇始開也。文

王遷鄴。故言始開國。愼也。文王誥愼衆國衆士。

衆少正之官治事之臣。朝夕救之曰。祭祀則用此

酒。惟天之下教命始開導我民者。惟始于祀也。文

王為雞州伯。南兼梁荆。故得誥愼衆國。案必訓愼。

慎猶戒也。庶邦所典治諸侯也。庶士衆官之長也。少正其罰貳也。皆治事之臣。故總言御事酒由人作。云天降命者凡事之作而可久者。皆天啟其心。天降命作酒。本始於祭祀。馨香上達。以致孝敬。手鬼神。非以教人縱欲也。凡事之興作。本皆出於天理。其後乃滅天理而窮人欲。傳稱酒以成禮。不繼以淫。記言酒非以為禍。而獄訟益繁。則酒之流生禍。是其義。

天降威。我民用大亂喪德。亦罔非酒惟行。越小大邦用喪。亦罔非酒惟辜。



**釋**以此亦文王誥庶邦之言。天降命作酒以致敬行禮。人反以縱欲敗禮。故天降命在此。天降威亦由此。江氏云。天降嚴威監臨于下。我民所以大亂喪其德性者。亦無非以酒為亂行也。于小大之國所用喪亡者。亦無非以酒取辜也。此第一章第一節述文王誥戒庶邦慎酒。天命天討於是予判。

文王誥教小子。有正有事。無彝酒。越庶國飲惟祀。德將無醉。

**箋**云。正。一作政。周禮萍無。一作毋。韓非說。康誥曰。

毋彝酒。彝酒常酒也。常酒者。天子失天下。匹夫失

其身。

林說

大傳說。天子有事。諸侯皆侍。尊卑之義。宗

室有事。族人皆侍。終日。大宗已侍於賓奠。然後燕

私。燕私者何也。已而與族人飲也。又說。飲而醉者。

宗室之意也。德將無醉。族人之志也。將猶扶助也。

詩穆

無二作毋。

論衡語增

**釋曰**文王施教自近及遠。誥

庶庶。邦由自治。其家國始。誥教小子。成教於家也。

有正有事。由家以及朝廷也。孫氏云。小子。康叔也。

案凡子弟及公族卑幼皆是。康叔自朝夕聞教。正

讀曰政。周禮疏謂有政之大臣有事之小臣。蓋本

鄭義言文王誥教家之小子。及朝廷有政有事之臣。皆毋得常飲酒。於庶國來朝聘者。亦惟助祭之末與之燕飲。猶以德扶助之。使無醉而失禮也。案方伯於諸侯有饗燕之禮。云飲惟祀者。舉重以見輕。其酒以成禮德。將無醉則一也。

惟曰我民迪小子。惟土物愛。厥心臧。聰聽祖考之彝訓。趣小大德。小子惟一。

**釋曰**。迪。道也。土物。土所生之物。謂穀也。愛。惜也。臧。善也。彝。常也。言文王教小子無彝酒。以己所行使民效之。惟曰我民當各教導其小子。惟土地所生

之物是愛惜。勿多糜穀作酒以供逸欲。厥心慈善。無即怡淫。聰聽祖考之常訓。於小德大德。小子惟一皆慎之。勿以酒為小德而弗戒。酒失雖小。流禍甚大也。此第二節言文王語教家人及國內臣民皆慎於酒德。

妹土。鬲爾股肱。純其藝黍稷。奔走事厥考厥長。肇牽車牛遠服賈。用孝養厥父母。厥父母慶。自洗腆致用酒。

**箋云**

純。專也。賈。遠。國。肇。敏也。言至也。廣雅。白虎通。

讀賈用絕句。曰。賈之言固。固有其物以待民來。以

求利也。書曰。肇牽車牛遠服。賈用。又孝養厥父母。

作欽厥父母。說為欲留供養之。賈馬氏曰。洗盡為

淨也。文釋曰。此本文王之教。以伐王明大命。江氏

云。敕康叔告洙土之民。嗣續爾股肱之力。專其種

藝之事。服勞奔走以事其父兄。五穀惟言黍稷者。

洙土所宜也。案嗣謂服田力穡。繼續不已。無時情

農自安也。長謂兄及家中諸尊長。洙土在冀州。其

穀宜黍稷。又古人以黍稷為重。故特舉之。此告農

民也。肇訓敘訓五。皆急疾之意。車牛。大車駕牛。任

載貨物。服事也。行曰商。止曰賈。散文亦通。言急疾

牽車牛遠行從事商賈之事。懋遷有無。得餘利以孝養其父母。此告商民也。白虎通讀賈用絕句。孝養二字作一慶字。謂牽車牛遠行從事求四方珍異。固有居積以待民用。得餘利以喜樂其父母。行而求貨歸而供養。慶猶喜也。亦通。自洗。馨羞潔滌。不假手於人也。腍。善也。厚也。致。如燕禮小臣謂致之。至。謂奉酒致父母前也。農藝黍稷。商服賈用。各勤力豐財以養父母。其父母善子之行而喜樂之。乃自洗爵敬致止於父母。則當用酒。上言酒始於祭祀。此言酒始於奉養。記曰。酒所以養孝。所以養病也。

此天降命作酒之本義。庶人無廟祀。上言祀。卿大夫士以上之孝。此也。此言養。庶人之孝也。此第三節。告洙土之民。

庶士有正。趙庶伯君子。其爾典聽朕教。爾大克羞者。惟君爾乃飲食醉飽。丕惟曰爾克永觀省作稽中德。爾尚克羞饋祀。爾乃自介用逸。茲乃允惟王正事之臣。茲亦惟天若元德。永不忘在王家。

饋祀助祭于君。疏箋云。典。常也。詁大傳說。古者聖

帝之治天下也。五十已下。非烝社不敢遊飲。六十

已上遊飲也。此說羞稽合也。周禮小宰先鄭注。釋曰。此告

妹土之臣。王氏云。庶士統卿大夫而言。有正。正官之首。各見上文。上文言庶士而繼之以少正。則以其卑賤者別言之。此文言庶士而繼之以有正。則指其尊貴者別言之。皆舉此以該彼。互文亦省文也。庶伯君子。疑又就其中指其齒德尤重者言之耳。案越於也。與也。呼庶士與庶伯君子。爾當常聽我教飲酒之法。如下文所云也。爾大克羞者。惟君爾乃飲食醉飽。此言養老得飲酒也。江氏云。羞。進也。者。謂老成有德者。若三老五更是也。爾大能進耆老于君。助君養老。爾乃得飲食醉飽焉。案古惟



為音同。今北音猶然。予為音通。聘禮注予讀曰為。  
上云罔非酒惟辜。言以酒為罪。此惟亦當訓為。為  
猶助也。言助君養老。或可讀為曰予。如江氏說。飲  
食醉飽。飲食饗食饗也。虞夏殷養老。或以燕禮。或  
以饗禮。或以食禮。周人修而兼用之。享燕之禮羣  
臣皆得與於飲食。故爾羞者于君。爾乃飲食醉飽。  
醉酒飽德也。丕惟曰爾克永觀者。作稽中德。此二  
句承上啟下。丕大也。爾大能羞者于君。則君大稱  
美爾善於尊進之。此與盤庚丕乃敢大言汝有  
積德文意同。永長也。觀者。視察先王禮法也。作為

也。稽考也。合也。中德中和之德尚庶幾也。饋祀祭  
祀也。周禮曰以饋食享先王。禮有特牲饋食少牢  
饋食。江氏云爾能羞者惟君。則君必謂爾能長觀  
省法則所為合于中德。則爾庶幾與乎助祭之選。  
能進而助祭于君。爾乃自介與于助祭之人。以次  
相酬。斯亦得飲酒矣。逸旅酬也。詩曰舉酬逸逸。戒  
慎酒而示以飲酒之則。則人易從而亦不至于酌  
酒矣。案介大也。善也。亦樂也。以禮養欲。則樂而不  
淫。是乃大善用其樂也。詩曰夙夜在公。在公飲酒。  
于胥樂矣。此之謂也。茲乃允惟王正事之三句。江

氏云允信也。正當讀為政。若元皆善也。言所為合  
 乎中德。此乃信惟王者任政事之臣。此亦惟天善  
 其善德。將存在王家。長不忘矣。案言酒以成禮如  
 此。非獨為君所賢。每信為王任政事之臣。非獨堪  
 為王臣。亦惟天順其大德。使勛在王室。謂篤不忘  
 也。義與上文惟天降命句相應。此告沫土賢士大  
 夫。以德禮優勸之。此第四節。告沫土之臣。以  
 上第一章。本文王之教。代王明大命于沫土臣民。  
 王曰。封我西土。棗徂邦。君御事小子。尚克用文王教。  
 不腆于酒。故我至于今。克受殷之命。

**箋**云

裴輔。說文但往。釋腠多也。說文釋曰上明大

命于沫土已畢。此下戒康叔當用文王教監于殷

先王所以興。後嗣王所以亡。以治沫土。此節陳括

前章文王誥。愷慎酒兩節之義。江氏云。我西土之

輔左若往日之邦。君御事小子。庶幾能用文王教

不務多于酒。故我今能受殷之命也。勸勉康叔戒

慎沫邦。則長享福祚。永保其國矣。又曰。經之徂字

與至于相應。故以徂之言徂往為往日也。案邦君

御事。即上文庶邦庶士少正御事。諸侯諸臣也。小

子。即上文小子有正有事我民小子。謂謂族及

朝臣下及庶民也。上下皆不腆于酒。無教逸欲。周所以興也。此第二章第一節言西土臣民皆用文王教慎酒。

王曰。封。我聞惟曰。在昔殷先哲王。迪畏天顯小民。經德秉哲六自成湯。咸至于帝乙。成王畏相。惟御事。厥六集有恭。不敢自暇自逸。矧曰其敢崇飲。

**箋**云。乾鑿度說。易之帝乙。為成湯書之帝。六世王。

孔子曰。自成湯至於帝乙。帝乙湯之元孫之孫也。

先儒皆以為紂父。檀弓疏**釋**曰。哲。知也。迪。行也。道也。

顯明也。天顯。謂天之明命。經。常也。行也。孟子曰。經。

德不回。秉執也。哲。說文訓知。或作哲。又云。哲。發也。  
言在昔殷先聖知之王。行道顧畏天之明命。下及  
小民。常行其德於身。無或回邪。秉持其明知之心。  
無或昏亂。此以道制欲之本。先哲。手謂成湯。詩曰。  
濬哲維商。孫氏讀迪為攸。訓所。江氏讀秉哲之哲。  
為哲。訓敬。詩曰。聖敬日躋。義竝通。自成湯。咸至于  
帝乙。江氏云。咸。徧也。言自湯而下徧數之。至于帝  
乙。又據乾鑿引無咸字。謂咸字當在成王畏相上。  
下屬為句。義較長。考湯號天乙。天即帝。故易謂之  
帝乙。書稱自成湯至於帝乙。則此帝乙非湯。據殷

本紀湯以後繼世之王。以父子倫序相當計之。祖乙為湯六世孫。稱帝祖乙。與帝太甲帝太戊同例。為立主入廟之通稱。其直稱帝乙者。惟紂父。經以帝乙與成湯相對。則是其人專稱。且至于者。括始終之辭。成湯至于帝乙。謂紂以前多賢聖之君。對紂無道亡國而若以為祖乙。則其後又有盤庚武丁皆賢王。何容遺之。鄭注檀弓引易說。但取勢遠同名不嫌之義。非以此帝乙為祖乙也。或可如江氏說六世王為親屬已竭六世以後之王。元孫之孫謂元孫以後遠代之孫。即紂父。先儒賈馬鄭說。

義亦不異。江氏云。成字當在帝乙下。屬下讀。成皆也。言自湯至於帝乙。皆成就王德。敬畏輔相也。國語曰。成王不敢康。敬百姓也。誼同此。案帝乙以上殷道屢衰。而武乙尤為無道。云成成王畏相者。善善從長。大分言之。別於下文後嗣王謂紂立丈耳。不可以辭害志。惟御事殿。非有恭。殷之先王畏天。敬民如是。故其臣亦皆賢。江氏云。崇充也。惟是治事之臣。其輔治有恭。慤不敢自寬。暇自逸豫。況曰敢充其飲酒之欲乎。此第二節言殷先王時君臣皆恭敬。亦無敢腆于酒。



越在外服。侯甸男衛邦伯。越在內服。百僚庶尹。惟亞。惟服。宗工。越百姓里居。罔敢湏于酒。

飲酒齊色曰酒。詩蕩疏**箋**云。禮王制鄭說。殷之州長。

曰伯。侯甸男衛邦伯。今文作侯甸任衛伯。國伯。白虎

通爵僚。官也。註釋尹。正亞。次服事也。言釋說文曰。酒。沈

於酒也。从水。面聲。周書曰。罔敢湏於酒。水部**釋**曰。承

上文言。於是在外服者。若侯。若甸。若男。若衛等服。

每州庶邦之伯。在內服者。百官衆正。亞旅百職事。

宗人之在官者。與百官族姓。致仕里居者。皆無敢  
沈湏於酒。言內外上下一德也。周禮有九服。要服

以內凡五。康誥云侯甸男采衛。此不言采。孫云省文。伯為方伯。方伯統庶邦。故舉以包羣侯。畿外有服數。畿內無服數。其為服治王事民事則同。故順外服之文而稱內服。百僚庶尹即上文所謂有正。惟亞正之次。惟服謂凡從事者。即上文所謂有事也。工官也。宗工宗人之在官者。即上文所謂小子。百姓里居。謂百官族姓致事家居者。百官稱百姓。而王子弟等為王之族姓。統以百姓二字括之。百姓里居。即百僚至宗工致仕而居邑里者。涵謂耽濁於酒。皆至面發赤也。形聲兼會意字。白虎通引

經男作任。邦作國。今文字皆然。又多一作字作國。伯猶言作國君。殷爵并子男於伯。自伯以上為君稱也。與古文說異。

不惟不敢亦不暇。惟助成王德顯。越尹人祇辟。

**釋曰**德顯。使德顯著於民。君正。祇敬。辟法也。言外

內諸臣無敢酒於酒。不獨不敢而已。亦由勤勞政事不暇及酒。惟助其君成就王道使德顯明於以正人。於以敬法無諸己而后非諸人。為其人而后能行法。尹人即康誥之迪民。祇辟即康誥之敬典。此第三節承上節而終言之。此殷之所以興也。

我聞亦惟曰。在今後嗣王酣身。厥命罔顯于民。祇保

越怨不易。

穆或作祇。訓通氏。齊祇訓。與祇通。祇或作祇。齊祇訓通。氏齊祇訓。與祇通。齊祇訓。與祇通。

**箋云**

說文。酣。酒樂也。

御覽引祇詞也。

易復初或曰。九馬注。

敬也。屬上議。

**釋曰**

上言殷先王慎酒以興。稱我聞

惟曰。故此言後嗣王樂酒以亡。稱我聞亦惟曰。後

嗣王。謂紂也。酣身。謂洒於酒。以身沈溺其中。易曰

濡其首是也。命號令也。顯於民。謂政教善使民稱

譽則效也。祇。適也。保安也。言紂以身沈溺於酒。其

政令悖亂。無有可顯著為民表者。適取民怨。安之

不改。謂怙惡不悛。樂其所以亡也。孫氏以民祇二

字連讀。云紂之命令無可顯著為民所敬。如先王之德。顯使尹人祇辟。徒安於怨不改其所為。案孫讀于曰為祇訓敬。與多士民祇讀同。亦通。或可此顯字當如彼文作顧。言不問民之能敬能從否也。誕惟厥縱淫佚于非彝。用燕喪威儀。民罔不盡傷心。

**箋云**

佚同樂也。

廣雅

史遷說

紂大最樂戲於沙丘。

以酒為池。縣肉為林。使男女裸相逐其間。為長夜

之飲。說文曰。盡傷痛也。从血。盡。百聲。周書曰。民罔

不盡傷心。

血部

**釋曰**

誕大縱放。淫佚。淫樂也。非彝。非

法也。燕。衰狎也。言紂大惟其放縱淫樂于非法。用

衰狎喪其威儀。民無不盡然。痛傷其心者。史公所  
說。正大淫佚喪威儀之事。書家皆有此說。王充以  
此<sup>經</sup>不言酒池肉林長夜飲。疑非事實。陳氏云。詩蕩  
篇云。天不酒爾以酒。不義從式。既懲爾止。靡明靡  
晦。式號式呼。俾晝作夜。與酒誥所云正同。則書家  
所言未必皆增其實。案子貢言紂之不善。不如是  
之甚。蓋謂當時稗官野史不盡足信耳。若史記諸  
書所云。自是家按古相傳實事。經不言者。湯武周公  
數桀紂之惡。皆隱括言之。不一一指其罪狀。忠厚  
之至也。燕喪威儀。紂之所以亡也。慎戒必恭。武王

之所以興也。盡从血聿者。段氏謂取以筆扞寫傷痛之意。

惟荒腴于酒。不惟自息乃逸。厥心疾很。不克畏死。辜在商邑。越殷國滅無罹。

**釋曰**荒大。腴多也。厚也。息止。逸過也。言民無不痛傷其心。而紂惟湛樂于酒。不思自止其過。言不恤民怨也。很。戾也。江氏云。紂秉心疾很。恃有命在天。不知畏死。惟為虐以積罪于商邑。于殷國之滅亡。曾無所憂。案存心疾害很戾。不自克以身死之可畏。國滅之可憂。是以惡積罪大而亡。凡小人之無

忌憚者禍天下以自禍其身皆紂之徒也。

弗惟德馨香祀登聞于天。誠惟民怨。庶羣自酒腥聞在上。故天降喪于殷。罔愛于殷。惟逸。天非虐。惟民自速辜。

**箋**云。馨。香之遠聞者。說文。周語曰。國之將興。其德

足以昭其馨香。國之將亡。其政腥臊。馨香不登。韋

氏云。馨。香。芳馨之升聞者也。腥臊。臭惡也。登。上也。

芳馨不止。聞於天。神不饗也。傳曰。黍稷非馨。明德

惟馨。**釋**曰。國語所說正本此經。孫氏云。逸。過也。速。

召也。言無德馨升聞於天。大惟民怨。及衆羣臣用



酒臭達於上。故天下喪亡之禍於殷而勿愛之。維惟紂之過。天非暴虐。惟人自召罪耳。案民怨。民之怨氣也。庶羣自酒。衆羣用酒益昏亂。助紂長惡。惡臭如鮑魚之腥。徹聞于天。天本仁愛人君。欲止其亂。豈忍虐之。惟紂嗜酒淫逸。不至喪滅不止。所謂自作孽不可活耳。此第四節言紂荒腆於酒。殷之所以亡也。以上第二章言周之所以興。及殷之所以興亡皆係於酒。

王曰。封。予不惟若茲多誥。古人有言曰。人無于水監。當于民監。今惟殷墜厥命。我其可不大監。撫于時。

**箕云**監視也。

話釋

墜

此俗字

從高隊也

說文

部撫

猶據

也。

曲禮

湯征曰。

人視水見形。

視民知治。

不

殷本

紀引

釋

曰。言我不徒如此。多以所聞告汝而已。欲汝知所

鑒。以為治也。古人謂湯言。人視水則見形。知視民

知治道百乎。所欲與聚。所惡勿施。塞遠從正。樹協乎

天命。民之本性。斯治道得矣。江氏訓治不為治亂。

亦通。國語申胥諫吳王曰。王盍亦監於人。毋鑒於

水。戰國策蔡澤說應侯曰。監於水者。見面之容。監

於人者。知吉與凶。皆本此義。時是也。周公既述古

言。乃云。今惟殷以荒。腴于酒。大使民怨。而隕墜其

天命。我其可不據。於是以為大監戒乎。江氏訓撫  
為循。云。今惟殷以隊其命矣。我其不大監于是撫  
于是乎。監紂也。撫循也。謂循商先王之道也。亦  
通。此第三章第一節。承上言宜監于殷以為治  
故下遂詳言慎酒出政刑之事。

予惟曰。汝劼毖殷獻臣。侯甸男衛矧。太史友。內史友。  
越獻臣百宗工。矧惟爾事服休服采。矧惟若壽圻父。

詩祈父  
箋疏

導遺農父若保宏父定辟。矧汝剛制於酒。

太史內史掌記言記行。

禮記玉藻疏

服休。燕息之近臣。

服采。朝祭之近臣。疏。順壽萬民之圻父。圻父謂司

馬主封畿之事。詩新義云。勅固。愼慎也。釋獻猶賢

也。八旬注。馬氏曰。遠。此字今增。遠行也。釋說文曰。故慎也。

从力。吉聲。周書曰。勅愼殷獻臣。知今本作疇。釋曰

此節言欲革沫土嗜酒之俗。當敦戒愼殷之遺賢

及所統諸侯。與國內小大諸臣。而以身率先之。汝

勅愼殷獻臣侯甸男衛。猶文王之誥。比庶邦庶士

等也。殷之賢臣。當亦不腴於酒。必固愼之者。敦勉

之。此以為民表率也。固與愼義為。說文訓勅為愼。則勅

愼謂愼戒也。矧太史友以下。猶文王之誥。教小子

有正有事也。太史。左史也。內史。右史也。玉藻曰。動

則左史書之。言則右史書之。古之史官必擇博學洽聞令德高行深明古今治道者為之。在人君左右。聳善抑惡。朝夕匡諫。故人君尊而友之。盛德記曰。內史太史左右手也。友之言又。又手也。今通作右。助也。言右以包左。二史左右助君。故曰友。太師太傅太保君之師也。太師內史君之友也。越於也。猶與也。此獻臣謂今所用之賢士大夫百宗工。謂衆宗臣與上文宗工同。獻臣百宗工。總舉親賢亦君所友也。爾事於爾執事者。服亦事也。說文。休息止也。服休。執事於燕息之時。采章采也。孫氏引魯

語云。天子大采朝日。少采夕月。虞說曰。大采。衮職也。少采。黻衣也。服采執事於朝。祭掌衣服。皆君之近臣。若順也。順壽謂民之性。使得安全。壽考不受寇害。王氏先謙云。圻父。詩作祈父。鄭箋。祈畿圻同。又引書曰。若曷圻父。謂司馬也。釋文。曷。此古疇字。本或作壽。司馬主討逆用兵。而本意以順壽萬民為主。故鄭云。順壽萬民之圻父也。薄遠農父者。釋文。違。馬云。違行也。違行者。違道而行。邪行也。左傳。昭德塞違。即大雅厥德不回之四薄。迫也。司徒之職。敬敷五教。禁民為非。民有違行。則使改悔。故曰

薄遠。周禮大司徒辨十有二壤之物。而知其種。以  
教稼穡樹藝。則農事屬司徒。故知農父即司徒也。  
若保宏父者。若順保安也。宏父。疑即司空。司空度  
地居民。則順安萬民是其職也。孫氏云。釋詁。宏。大  
也。詩傳。空。大也。宏與空俱訓大。知宏即空也。案父  
同甫。甫者。丈夫之美稱。以目三卿。尊之。蓋當時有  
是號。定辟者。辟如祗辟之辟。法也。三卿任國之大  
政。所以定法制。斷也。此節言汝當敦固戒慎殷之  
遺臣。及所統諸侯。使不腆於酒。況身所賓友太史  
內史。與諸所用親賢乎。況爾執事近臣乎。此由遠

以及近也。况三卿為國大臣定法者乎。此由小以  
及大也。况汝身自克己復禮正己以正人。剛斷於  
酒乎。此由人以反諸己也。明皆當劾必無怠。此  
第二節言監于殷以慎酒出治。又案薄遠之  
薄。武當讀為弼。導弼一聲之轉。皋陶謨曰。予違汝  
弼。弼達農父。謂匡弼萬民遠道之農父也。

厥武誥曰。羣飲。汝勿佚。盡執拘以歸於周。予其殺。

**箋云**拘。壁中古作<sup>文</sup>柯<sup>義</sup>下有獻字。說文曰。柯。搗也。从

手。可聲。周書曰。盡執柯獻。

據小徐本  
手部

**釋曰**此以下

言剛制沫土人民。寬猛相濟以革嗜酒惡俗。為作



新民急務。拘與柯形相近。如說文序稱苛字隸變

从止句之比。小徐本柯下有戲字。江氏云。佚縱。柯

搗也。戲當為漱。壞字也。漱。議臯也。从水。戲聲。水取

其平也。其有告女以羣聚飲酒者。女勿縱佚。盡執

柯而平議其臯以歸于周。其當殺者我其殺之。戒

康叔毋專殺。案說文訓柯為搗。搗猶舉也。下有戲

字。江氏甚善。但大徐本無與鄭本古文合。或疑柯字。蓋今古文異。疑不能定。羣飲羣聚沈酗於酒。號

呶紛擾。或蓄異謀。猝生變亂。故嚴治之。予其殺者

審其情罪之輕重而誅其首惡怙終者。孫氏則云

殺同業。方言云。殺也。後漢書樊條傳注引左傳

曰。周公殺管叔而縶蔡叔。杜注云縶。於也。言盡執而指搗之以歸於周。予其放散之。案散其羣黨。如舜分北三苗。使其馴服化莠為良。義亦善。

又惟殷之迪諸臣惟工。乃洒於酒。勿庸殺之。姑惟教之。有斯明享。

斯。析也。詩墓門釋文  
箋云享祭也  
虞注  
釋曰惟工之惟。

助句詞。此等語詞。詩書多有之。諸臣惟工。猶云諸工耳。江氏云。又惟殷之為紂所道之諸臣。工乃沈湎于酒。是其久染惡俗。故非不可化道者。勿用殺之。姑且教之。有。讀當為又。案鄭訓斯為析。享祭也。

諸臣工在家涵于酒。非羣飲圖擾亂。雖為人所告。毋用罪之。且惟教之。又分析明其因享祀而飲酒者。恐告者或誣也。此以諸臣工涵酒與上羣飲為兩事。孫氏則通為一義。云。雖欲誅羣飲者。又當思惟殷遘用之。臣工俱沈於酒。民俗染之。我勿用為罪。且必先教之。又分析其羣飲之故。或由享祀則勿罪。原之。案孫意謂上文予其殺。言當放流之。既又思民之無良。由上化致然。不可遽加以罪。當先教之。又分析其無大罪者勿論。皆就民言。義亦善。勿佚盡執拘予其殺。過亂之義也。又弗殺而教。

之。且分析其是非。恤刑之仁也。

乃不用我教辭。惟我一人弗恤。弗錫乃事。時同于殺。

**箋云**恤收。

說文

錫潔也。

詩天保傳

**釋曰**

江氏云言教之

而乃不用我教詞。惟我不憂恤之。此其人將不潔

于女之政事。言其傷化也。是當同于誅殺之辜。案

教之而不改。非善惟終。自作不典。雖聖人亦無如

之何。不得不為民去惡以塞亂源。此第三節正

言剛制于酒之事。

王曰。卦汝典聽朕訟。勿辯乃司。民湏于酒。

**箋云**典常也。

釋辯使也

廣雅

**釋曰**

言汝當常聽我

誥。勿使乃主民之官。涵于酒。<sup>上</sup>止既歷說所當勅

誥者。殷獻臣太史友以下。而親民之官。於教養尤

切。故篇終特舉之。此第四節總結全篇。所謂明

大命者備矣。以上第四章。詳言勅誥臣民以絕

酒禍。孫氏云。揚子法言問神篇云。昔之說書者。序

以百。而酒誥之篇。俄空焉。今亡夫。困學記聞引藝

文志云。劉向以中古文校歐陽大小夏侯三家經

文。酒誥脫簡一。謂俄空而脫簡之謂。而大傳引酒

誥王若。封惟曰若主璧。今無此句。疑所脫即此等

句。案段氏以俄空為脫其序。非亡其經。似近之。愚

又疑此據中古文而言。蓋子雲典校秘書在劉子政後。見當時中古文尚書缺酒誥之篇。檢索久之不可得。故訝為佚空而懼其亡。其後復得之。故藝文志但云建武時亡武成一篇。不及酒誥。至於今文及古文傳習本固皆有酒誥。與子雲說不相戾也。

古文尚書鄭氏注箋釋卷二十三終

古文尚書鄭氏注箋釋卷二十四

曹元弼學

梓材第二十一 周書 文古尚書 鄭氏注

**箋云**史遷說周公旦懼康叔齒少為梓材示康叔可法則**釋曰**孫氏云梓者梓人史記正義曰若梓人為杗君子觀為法則也案下言若稽田若作室家若作梓材皆以喻為政之法則而史獨取梓材二字為篇目猶禮記以禮器名篇取禮使人成器之義大傳云伯禽與康叔見周公三見而三答之康叔有駭色謂伯禽曰有商子者賢人也與子



見之。乃見商子而問焉。商子曰。南山之陽有木焉。名曰橋。二三子往觀之。見橋實高。高然而上。反以告商子。商子曰。橋者。父道也。南山之陰有木焉。名曰杻。二三子復往觀焉。見杻實晉晉然而循。反以告商子。商子曰。杻者。子道也。二三子明日見周公。入門而趨。登堂而跪。周公仰拂其首。勞而食之。曰。爾安見君子名。二子以實對。周公曰。君子哉。商子也。案梓杻同字。與此事與此經不相涉。皮氏謂大傳以有康叔在內。故附載之。周公告康叔書中。伏生並非以橋梓之梓當經梓材字。又謂此篇語康叔。

并戒成王。其說皆是。而解大傳則未當。今別釋之。  
云。伯禽與康叔見周公。見見而三答之。答伯禽非  
并答康叔也。不言康叔。伯禽而言。伯禽與康叔。文  
義明。專主伯禽。特以康叔導之見商子。故特云與  
康叔耳。云康叔有駭色。明是在旁見其答者。於是  
教之見商子。商子言橋為父道。好為子道。不言兄  
弟。明三答於康叔。無洩云二三子者。統舉之辭。下  
云二子。則指實之辭。兼康叔而言。周公拂其首。亦  
專屬伯禽。皮氏不能分別。謂臣子一例。周公時攝  
王位。康叔為之臣。亦當如子禮。迂曲不合事理。非

也。此傳各書所引文多異。孫氏刪取最當。今據之。  
又大傳梓作杙。或以杙材命名。有取於子繼父志  
之義。詳下。

王曰。封以厥庶民。暨厥臣。達大家。以厥臣達王。惟邦  
君。

于邑言達大家。于國言達王與邦君。王謂二王之  
後。疏箋云暨與也。釋達通也。說文家。卿大夫采地。

周禮叙官家司馬注釋曰。江氏云。大家。卿大夫有采地者之

家。鄭云。于邑言達大家者。大家皆有采邑。故云于  
邑。謂國中之都邑也。云于國言達王與邦君者。王

與邦君各君其國。故云于國。是通言國也。謂通言諸國

如鄭君說。則經惟字蓋誤也。當為暨。暨與也。以臣

民達大家。則聯上下之情。以臣達王與邦君。則聯邦

交之誼。又云王謂二王之後者。以王與邦君並言。

則王非謂天子。故以為二王後。惟字无訓與者。若

經是惟字。鄭君必不云達王與邦君。據鄭言達王

與邦君。則鄭本必作達王暨邦君。暨之言乃為與

也。孫氏云。鄭注周禮載師云。家邑。大夫之采地。小

都。卿之采地。又注家司馬叙官云。家。卿大夫采地。

蓋大夫稱家。卿稱都。對文則然。散文則可總言家。

大家如孟子離婁言巨室也。康叔所治當有卿大夫采地。又其所職乃當州之牧。故得統領二王之後與列邦之君。案王與邦君並列。又庶民與臣並列。是王邦君皆與有國者。非有天下之王也。若有天下之王。巡狩述職。政治由諸侯自達。豈但使臣達之。故知此王為二王後。此必書家積古相傳之義。故鄭據而推明之。不疑於名實相亂者。自臣下言之。固民無二王。自王言之。則二王之後得用王禮。於邦君中別出稱之。不以為嫌。此聖人寬大無猜忌之心。多士云。惟爾王家我適。亦謂殷國為王家。

也。以用也。庶民。謂庶人在官未得正祿者。臣。謂士。此庶民與臣。即禮所謂士庶子。蓋用其賢者以隨時宣上德於世。臣大家。達民隱於都邑之主。則君臣上下之情通。周禮都家之官亦列職於王。蓋命於朝而贊家治者。又士大夫喪祭有公史有司襄事。此所以君臣一氣上下無間也。以厥臣之臣。統謂卿大夫聘問鄰國者。王者之後禮有加等。故與邦君別言。此二句乃平治邑國維持封建之要道。與上篇勅諭諸臣侯甸男衛相表裏。情通誼合而後近悅遠來令行禁止也。江氏謂惟當為暨致確。

或可王惟邦君。猶云惟王惟邦君。以一惟字關上下。古書有此文例。鄭君以意逆志。故以一與字解之。江氏疑惟字係孔所改。然尚書異文異說最多。或可民臣達大家。謂選賢能以贊大家之治。以臣達王。謂薦賢於王。皆邦君之事。亦通。此第一章第一節。言用賢材以通上下之情。聯邦交之誼。則上篇所謂勅毖者無不行。下文亟言用明德。梓材名篇。或兼取此義。又案達字之義。反覆思之。猶有未盡。達者。下達也。旁達也。蓋此節承上篇末節而言。上云勿辯乃司民。涵于酒。則鄉達公邑親民。

之官無彝酒矣。而卿大夫采邑之宰其主所自用。列國親民之官其君所用。諸侯不能徧及。故以庶民及士之賢者一一達諸侯之命於大家之邑。則都鄙之司民者無或湏于酒矣。以卿大夫士時時達諸侯之命於二王之後及列國之君。使各以睦其下。則邦國之司民者無或湏于酒矣。汝順是行之有常。勅懲剛制之道備。而所用皆賢。則可尚德。緩刑以寬服民。於是曰。我有師師。司徒云云。如此釋達字。似確當無疑。而鄭以王為二王後之故。亦灼然可知矣。



汝若恒。越曰。我有師師。司徒司馬司空尹旅。曰。予罔  
屬殺人。亦厥君先敬勞。肆徂厥敬勞。肆往姦宄殺人  
厯人宥。肆亦見厥君事。戕敗人宥。

戕殘也。

周禮大司馬疏  
釋文引馬同

**箋云**若順。

釋言恒常君正旅

衆也。

釋論語曰先之勞之肆故徂往。釋宥寬也。典

注馬戕敗人宥。今文作彊人有。

勅論

**釋曰**自上篇勅

毖殷獻臣以下及本篇上文所云監殷敷治大綱

已備。任官皆得其人。則當尚緩刑以寬服民。若恒。

順常道也。江氏云。聯上下之情。聯交交之誼。是常

典也。越於也。師師者。皋陶謨云。百僚師師。史公說。

以百吏肅謹。孫氏則云。上師衆也。下師長也。江氏云。尹正也。正大夫也。旅衆也。謂衆士也。臣下皆自教戒曰。予慎毋虐殺人。王氏先謙云。羣臣知我之意。順常典而禁淫刑。案司徒司馬司空諸侯之三王卿。天子六卿。諸侯以司徒兼冢宰。司馬兼宗伯。司空兼司寇也。言汝順是常道。於是曰。我有百僚師師。大而三卿。此正大夫衆士。皆務愛民。厲虐也。不教而殺。謂之虐。敬者敬慎。勞者勞來。視民如傷。使民如祭。敬之至也。懷保小民。惠鮮鰥寡。不遑暇日。勞之至也。臣下所以務愛民者。亦其君能率先

敬勞民。故臣往治事者其皆敬勞肆往。謂自今以往也。姦宄殺人。謂寇攘姦宄殺越人者。歷人。謂盜賊所過歷之人有嫌疑者。孫氏云。有姦宄及殺人者。其所過歷之人不當同罪。原情寬宥之。若律容止逃亡罪止徒。知情藏匿罪人減罪人罪一等。墨子尚同篇引泰誓云。小人見姦巧。乃聞不言也。發罪鈞。鈞。均也。蓋紂法見姦不言。事發同罪。故周公以姦宄殺人歷人宥誥康叔。革紂法也。案此句據君也。君當敬勞民。若有疾若保赤子。雖姦宄殺人。大罪。惡惡止其身無株連。君事如此。故人亦見而

體其敬勞之意。於過失殘敗人之小罪。亦審察其實。而原宥之。蓋君德仁厚。則惠心所孚。臣皆勉為循吏。莫為酷吏也。王氏先謙訓歷為閱歷之歷。云使人<sub>臣</sub>行罰。遽往於姦宥殺人之事。歷訊其人。而於中有所寬宥。亦通。此節之文。自來識者多不明瞭。今反覆推求。參取江孫王三家而攷辨之。文從字順。渙然冰釋矣。戕敗人宥。一作彊人宥者。戕彊聲近。宥有形聲俱近字變。又無敗字。義大異。三字當屬下讀。詳下。此第二節言用人順常典以寬治民。與上篇予其殺反覆相成。上言嚴以革亂俗。此

言寬以作新民。下文皆言用賢勤民勝殘去殺之事。藹然仁言。千載如聞。此周歷所以過七百之期。衛之享國又最久也。

王啟監厥亂為民。曰。無胥戕。無胥虐。至于敬寡。至于屬婦。合由以容。

無胥戕。無相殘賊。無胥虐。

周禮大司馬疏

**箋**云。周禮太

宰職曰。乃施典于邦國。而建其牧。立其監。鄭氏曰。

監。謂公侯伯子男各監一國。書曰。王啟監厥亂為

民。敬當作矜。大傳說。老而無妻謂之鰥。

即矜。老而

無夫謂之寡。幼而無父謂之孤。老而無子謂之獨。

行而無資謂之乏。居而無食謂之困。此皆天下之至悲哀而無告者。故聖人在上。君子在位。能者任職。必此施此。使無失職。屬壁中古文作娼。說文曰。娼。婦人妊身也。从女。𠂔聲。周書曰。至於娼婦。部王啟監厥亂為民。今文作王開賢厥率化民。論衡効力

**釋曰**此以下兩節正言敬勞之事。戒康叔并戒侯甸男衛諸侯也。江氏云。亂治也。言王者開置諸侯使監其國。其治為民也。胥相也。矜讀曰鰥。娼婦。孕婦也。王者啟監之命曰毋相殘殺。毋相暴虐。至于鰥寡孕婦。皆由以包容之。使不失職。孫氏云。敬寡

即矜寡。呂刑哀敬折獄。大傳作哀矜。漢書于定國傳作哀鰥。是敬矜鰥音相近。義俱通也。屬與娼聲之緩急。假借字。又說文有孺。云弱也。一曰下妻也。屬娼聲亦相近。疑亦弱也。案曲禮大夫曰孺人。注云孺之言屬。孺亦從需聲。需與聲通。孺屬聲轉。聲近字變。故壁中古文作娼。今文作屬。孔子國以今文讀古文。易娼為屬。故馬鄭古文皆作屬婦。謂弱婦可哀憐者。崔子玉清河王誅云。惠於娼孺。鄭氏以娼孺為寡婦之有遺腹者。尤可矜恤。亦一義。崔雖多用今文。或博采壁中古文也。大傳因經矜寡。

之文。推類言之。其云聖人君子能者。即指王與邦君御事而言。云使不失職。正解合由以容之文。孫氏云。合同也。由用也。容寬也。言窮民無告。有寬寬之。非傳意所包。蓋天生民而立之君。使司牧之勿使失性。王者體天出治。建國立君。其治本主為民。必使勞心撫字。以先覺覺之。因民固有仁義之性。而利導之。使之相愛相敬。以相生相養相保而無相戕虐。老吾老以及人之老。幼吾幼以及人之幼。老有所終。壯有所用。幼有所長。至於鰥寡屬婦。微弱困苦。或為人所忽。易者皆用。是以兼容并包之。



使無一人不得其所。所謂以不忍人之心行不忍人之政。足以保四海。王之命諸侯如是。故其考驗治功。惟在引養引恬。此封建盛時。所以致天下刑措也。今文啟作開。避孝景諱。監賢亂率。為化昏形聲相近。字變義異。漢書儀有和裕開賢之語。用此文。蓋與上彊人有連屬為句。有當讀為右。謂志行賢<sup>堅</sup>彊之人見君如此。故助王開賢路。率以化民。雖亦可通。然終牽彊不辭。當以古文為正。

王其效邦君。越御事。展命曷以。引養引恬。自古王若茲監。罔攸辟。

**箋云**

效考也。

廣雅引。

長也。

釋恬安也。

說文

**釋曰**

江

氏云。王者責效。國君及其治事者。其命何以哉。唯欲其長養民。長安民而已。自古王者如此。啟監。无所任乎刑辟。業效。猶驗也。謂考驗其監民之功。毋相戕虐。合由以容。其命之之事。何以哉。長養民。使足衣食。長安民。使篤仁義。予之而勿奪。撫之而勿擾而已。曰引者。敬慎帶來。無廢弛。無擾。詔所謂安靜之吏。惓惓無華。日計不足。月計有餘。如此則欲善而民善。為政焉用殺乎。後世化民不以德。治獄不以情。而惟任刑法。此元氣之所以日傷。而趨

於亂亡也。此第二章第一節言敬勞之事。

惟曰若稽田。既勤數畝。惟其陳修為厥疆畎。

**箋云**稽。稽考也。計也。

周禮官舊才耕田也。說文疆

畎。古文作畎。人說文。畎。界也。从畎。三。其界畫也。疆。

或从疆土。疆。人。水小流也。周禮匠人為溝洫。耜廣

五寸。二耜為耦。一耦之伐。廣尺。深尺。謂之入。倍之

謂之遂。倍遂曰溝。倍溝曰洫。倍洫曰川。古文人。

从田从川。畎。篆文人。从田犬聲。部釋曰。上言敬勞

之事。此設三喻以示其法則。明當勤以行之。故皆

言既勤。詩曰。文王既勤止。子路問政。子曰。先之勞

之。請益曰無倦。是其義。江氏云。稽計也。計其廣袤。為之經制也。藺。發土也。豐。訐也。言為國如稽田。既勤力以布發其土。當思陳列修治為其豐畎。以諭為國當先立綱紀。陳氏云。說文所解疆畎之義。即此經所謂陳列修治也。作豐者。據古文尚書作疆者。據今文尚書也。人。古畎字。云古文从田从川者。壁中本也。从田犬聲者。今文尚書也。案人當為最初之古文。明則所謂即古文而異者。孫氏云。陳者。詩信南山維禹甸之。周禮稍人注引作陳。云甸治。是陳亦治也。

若作室家。既勤垣墉。惟其塗墍註茨。

**箋**云。馬氏曰。卑曰垣。高曰墉。墍。墍色。釋。墍。仰塗也。

說文茨。以茅葦蓋屋也。部塗。舊本作敷。正義集韻敷。

塗也。同部切壁中古文作敷。下見**釋**曰。塗。俗字。當為

涂。正義本涂作敷。云敷。古塗字。蓋讀如彝倫攸敷

之敷。說文引下句作敷。敷。敷皆涂之假音字。蓋壁

中本作敷。孔君以今文讀古文易為敷。皆訓涂。或

竟以訓詁本字錢代之作涂。俗作塗。江氏云。敷。猶涂

也。敷。概以塗塗牆也。茨。以茅葦蓋屋也。此諭政事

修舉乃為有成。案垣墉皆牆也。墍。白色。古以屨灰飾

牆使白。猶後世用石灰。作室既立。牆又涂塞其隙。  
而飾之。并益其厚乃有成。猶為國者庶政具舉也。

若作梓材。既勤樸斲。惟其塗丹。腹疏云馬氏曰梓古

山海經云青丘之山多有青腹。疏云馬氏曰梓。

古作孖字。治木器曰梓。治土器曰陶。治金器曰冶。

樸。未成器也。腹。善丹也。舞塗古文作腹。說文曰腹。

善丹也。从丹。腹聲。周書曰。惟其敷丹。腹。部釋曰江

氏云。梓材。木材之美者。樸。木素也。斲。斫也。據馬注

及鄭君所引。則腹有丹有青也。言治梓材以為器。

既斲治其素質。當加以采色。以諭國既治理。更須

修明制度典章使衆然可觀也。案說文引殷丹腹。則上句亦必作殷。蓋兩涂字今文皆作殷。古文皆作殷。梓古作梓為梓字。梓之言子。梓材猶左傳稱高陽高辛氏才子。惠氏棟云。梓者子道也。樸斲丹腹。諭父子繼業。故篇名取誼焉。王氏云。周公丁寧康叔。欲其善繼穆考文王之志。故有此三喻。猶大誥堂構播穫之說也。馬以梓為子。子有子道。此篇命名獨取梓材者。正以梓之樸斲丹腹。此此父子繼業故也。周之王業成于文王。武王成王周公康叔皆以繼文王者也。明此則前二篇之詳于文王畧于武王亦

無疑矣。皮氏云。上稽田作室兩喻。與大誥云若考作室。屢父舊兩喻同。惟此以梓材作喻。則大誥所未及。篇名梓材。其以是與。案諸家推梓材名義。於理皆有合。大傳以康叔導伯禽見商子聞紂者。子道之訓入此篇。意或在此。億則屢中。故並著之。

此第二節言敬勞之法則。以上第二章言王者啟監邦君敬勞民之道。

今王惟曰。先王既勤用明德。懷為夾。庶邦享。作兄弟方來。亦既用明德。后式典集。庶邦丕享。

**箋云**懷來。釋來輔。一切經音義十。二引倉頡篇。享。勸。釋作使也。



方猶併也。

儀禮鄉既。射禮注。

盡也。

易既濟。鄭注。

后繼體君也。

說文。

部式用。

釋

典常。不天也。

詁釋

曰

此以下戒康叔并

戒成王。上言自古王若茲啟監以敬勞民。惟用有

德故能然。今王亦惟曰先王文武既勤求明德之

人來為夾輔。庶邦悅服皆來享獻。明德若太公望

散宜生等是也。又封建親戚使兄弟並來為輔。亦

盡用明德之人。非私其親。如虞虢及武王克商所

封兄弟之國。賢有太

大

要皆足以治民者是也。繼

體之君用此常典以考驗邦君御事安集天下。則

庶邦大來和會享獻矣。主道知人。臣道知事。上云

既勤喻邦君御事之勤於治民也。此云既勤言王者之勤於求賢侯也。天子巡狩諸侯述職有功德於民者加地進律是先王之典。後王所式以安集天下者。詩曰無封靡于爾邦。維王其崇之。又曰儀式型文王之典。日靖四方。是其義也。康誥呼孟侯見能備儲君之道。酒誥稱成王見年德已成。漸可即政。此直稱王。俾諸侯知所尊。周王將歸政之意昭昭明矣。或曰此王字不必指實。猶康誥弘王助王。酒誥王政事之臣。統謂王家當王耳。皮氏以王為周公自稱。不合語氣。此第三章第一節。

言王者當勤用有德。親疏一體。以敬勞民。安集天

下。

皇天既付中國民。越厥疆土于先王。肆王惟德用。和  
懌先後。迭民用。懌先王受命。已。若茲監。惟曰欲至于  
萬年。惟王子子孫孫永保民。

**箋云**古尚書說尊而君之則曰皇天。見堯付與也。

說文馬作附。釋肆。今也。懌。服也。譯懌。本皆作敷。釋

人部相道前後曰先後。詩絲。數終也。說文大誥曰。予曷

其不于前寧人圖功有終。**釋曰**越于也。又與也。承

上言天既全付中國之民與其疆土於先王矣。今

王繼體惟明德是用。則可以和說相道迷惑之民。  
用終先王所受之大命。使無失墜。而嘒字本又皆  
作數。嘒俗字。當作數。上數借字。服也。下數正字。終  
也和數說服也。謂安集之。先後謂教導之。引養引  
恬富之教之。則迷者盡向化。所謂敬勞也。所以終  
保先王受命也。已同嘒語辭。若茲鑒與上同義。言  
如此啟鑒。惟曰欲與庶邦同。至於萬年。王者惟德  
是用。庶邦承王命以德化民。惟王其子子孫孫永  
保民矣。康誥所謂引王。所謂助王宅天命也。此戒  
康叔并戒諸侯。而尤歸重於戒王也。此第二節。

戒成王當法先王惟德是用。終保先生<sup>王</sup>受命於無疆。以上第三章。王氏云。此與康誥敘首相為起結。實三篇之大收束也。曰今王。曰王。謂成王。曰先王。謂文武。言先王用德以懷庶邦。故能格于皇天。有人有土以受命。今王亦當用德和民。以繼先王而受命也。其時候甸男邦采衛百工播民和見士于周。故舉先王之時庶邦享兄弟方來以勸之。見庶邦之來不自今日始也。四方民大和會而商民猶有梗化者。故以和懌先後述民言之。欲述民之皆化為和會也。案王氏以勤用明德為自明其德。

取人以身。惟自明其德。故能用明德之人。義實一貫。肆王惟德用。亦謂自明其德。以用明德之人。

蘇氏軾曰。此書專言王惟不殺。則子孫萬年享國。故以皇天所付為言。詳考大誥康誥酒誥梓材四篇。反復丁寧。以殺為戒。以不殺為德。此易所謂聰明睿智神武而不殺者。故周有天下八百餘年。天人之際。有不可盡知者。至於殺不殺之報。一一若符契。可必也。而世主不以為監。小人又或附會六經。以勸之殺。悲夫。唐末五代之亂。殺人如飲食。周太祖叛漢。漢隱帝使開封尹劉錡屠其家百口。太祖既克

京師夜召其故人知星者趙延義問漢祚所以短促。延義答曰。漢祚未亡。以刑殺冤濫。故不及期而滅。時太祖方以兵圍劉銖。及蘇達吉第。期滅其族。聞延義言。矍然貸之。誅止其身。予讀至此。未嘗不流涕太息。故表其事於書傳以救世云。案東坡此言深得經旨。

欽定書經傳說彙纂特載其說。蓋我朝

列聖如天之仁。同符文武周公。故天下太平德洽。亦同符成康刑措。不意民之無祿。橫遭浩劫。殺禍之烈。為開闢以來所未有。皇天至仁。其何救之哉。

古文尚書鄭氏注箋釋卷二十五

曾元弼學

召誥第二十二 周書 古文尚書 鄭氏注

**箋云**大傳說。周公攝政五年。營成周。六年制禮作

樂。七年致政。此以營洛與致政異年鄭從之史遷說。周公行政七

年。成王長。周公反政成王。北面就羣臣之位。此年成王

在豐。使召公復營洛邑。如武王之意。周公復卜申

視。卒營築。居九鼎焉。曰。此天下之中。四方入貢道

里均。此言作洛事作召誥洛誥。周本紀又說。成王七年。即

公攝政。二年乙未。王朝步自周至豐。使太保召公



先之。雒相土云云。

魯世家此與大傳說異

**釋曰**康誥云。周公

初基作新大邑于東國洛。基。謀也。初基。謂四年合

諸侯始謀作洛也。大傳云。營成周。營。即經所云新

邑。營。謂五年遂經營作洛也。成周實并王城言之。

史公以為七年致政前始營洛。然四年三月已定

謀。至七年三月始相宅。且在制禮作樂治定功成

之後。恐傳聞異辭。不如大傳之明確可據。孫氏據

經云。錫周公。且有旦曰之文。以為當在歸政時。然

七年三月去終終歸政尚遠。所以經文云爾者。蓋

周公攝政。初時以身當大難之衝。故護成王惟恐

其不至。及大難已平。使成王閱歷天下之故。以漸表顯之於諸侯。又惟恐其不至。故三年踐奄則請王視師。明己之稱王為攝。而征伐之命實自天子出也。四年建侯衛作。康誥則呼為孟侯。明己堪儲君繼體之任也。作酒誥則呼為成王。明年德已成。可任王事。故梓材稱今王。惟曰直呼為王。而五年營洛。召公對諸侯。遂稱旅王若公。且云旦曰。正君前臣名之辭。俾天下咸知至尊所在。而周公志在歸政。於此見周公攝政。作大事雖權稱王。而非常稱。其於成王君臣之名如故也。朝廷大臣亦稱王。

與公如故也。此聖人所以為人倫之至。權而一歸於經也。周本紀上數語說洛誥。下數語說召誥。各自為義。非與魯世家兩歧。

惟二月既望。越六日乙未。王朝步自周。則至于豐。

是時周公居攝五年。周禮大司徒疏二月三月當為一月

二月不言正月者。蓋待治定制禮乃正言正月故

也。詩文王疏于此從鎬京行至子豐。就告文王廟。詩王

告文王則告武王可知。禮記曲禮疏步。行也。堂下謂之

步。豐鎬異邑而言步者。告武王廟即行。出廟入廟

不以遠為文恭也。魯世集解箋云馬氏曰周鎬

文或作父誤

京也。豐。文王廟所在。朝者。舉事上朝。將即土中。易

都大事故。告文王武王廟。

魯世家集解

**釋曰**自此至庶

殷丕作。敘周公攝政五年營洛邑之事。此節言將

營洛成。王先王豐告文王廟。蓋周公偕行。既告即

在豐。命召公先至洛。周公從後往。命興功。王又從

後往。二月三月。鄭云當為一月二月。望。假借字。正

作望。江氏云。說文。望。月滿與日相望以朝君也。故

其字從月從臣從王。王。朝廷也。既望。十六日也。乙

未。二十一日。鄭云然者。以洛諸戊辰。是居攝七

年十二月日。此是居攝五年事。計五年三月至七

年十二月。凡三十四月。其間餘分積至二萬八千九百七十六有奇。以九百四十分之日法除之。則三十日有餘矣。則五年六年之必置一閏<sup>終</sup>。則五年三月朔至七年十一月晦。已而三十四月。若三月丙午朔。則甲辰朔也。推之五月當癸卯朔。七月當壬寅朔。率兩月而退一日。則七年十二月應丁亥朔。不得有戊辰。若此二月為一月。下文丙午朔是二月。則七年十二月丁巳朔。戊辰乃其十二日。鄭說誠是也。又云。武王初有天下。以建子月為年首。而稱一月不云正月。武成篇一月壬辰是也。于時

未皇制禮。故改月而不稱正。周公攝政非正為王。安敢遽言正月子。至六年而周禮成。而洛誥當七年時猶詔王稱殷禮。明必待七年反政之明年為成王元年乃稱正月。此事之必然者。故云蓋待治定制禮乃正言正月也。案江說甚精確。越於也。於既望日起數至第六日則是二十一日餘可例推。王朝步自周。王謂成王也。周公攝政以來。成王雖不問政事。修德學道如世子時。周公作大事雖權稱王。而平時朝廷之上。王公之稱自若。故大誥多方王。若曰之下皆稱洪惟。明代王非真為王。康誥

王若曰之上。先稱周公乃洪大誥治。多方王若曰之上。先稱周公曰。以著稱王之為權。周公志在成周道。即反政。故於康誥呼王為孟侯。明其為武王世子。已堪臨諸侯也。於酒誥呼為成王。明年德已成。可任王事也。故梓材云。今王惟曰。遂直呼為王。而此文發首稱王。繼稱周公。召公遂對庶邦冢君。以王命賜周公幣。而曰旅王若公也。朝步者。舉事尚早。故清朝即行。恭也。禮。天子諸侯將出。必告祖禰。故既於鎬京告武王廟。即行至豐告文王廟。豐在豐水西。鎬在豐水東。異邑而云步周。出廟入廟。

不以道遠為文。江氏謂若禰至祖不俟車駕者。以見成王恭於父祖之意。蓋此經獨有之義。若武成逸文亦云朝步。則但訓步為行耳。武王遷鎬於路寢東既立五廟。又以豐為文王受命所作邑立廟。世世不毀。有大事則往告。以顯文王之功德。與周公嚴父配天。皆聖人大孝尊親之事。此第一章第一節。言成王將作洛先至豐告文王廟。

惟太保先周相宅。越若來三月惟丙午朏。越三日戊申。太保朝至于洛。卜宅。厥既得卜。則經營。

相視也。史記集解云史遷說使太保召公先之。雖相



土。說文曰。朏。月未盛之明。从月出。周書曰。丙午朏。

朔。洛周禮注引作維。天官序經。度之也。詩靈臺傳。彤表

其外。第一曰。南北曰經。東西曰營。楚詞九釋曰。作

洛之謀。本武王之志。周公為成王定之。時與王俱

至豐。使召公先至洛視土。可營王居之處。故曰太

保。先周公相宅。越若來者。越於也。凡日數自上而

下。相隔少者曰越幾日。多者則曰越若來某月某

日。言上日順數而來也。此丙午朏。如伏鄭說。在攝

政五年。則當為二月三日。如史公及劉歆三統歷

所推在七年。則三月三日。當以鄭說為正。詳洛誥

戊辰王在新邑烝下。江氏云。朏月未成。光月三日也。漢書律歷志引古文月采曰。三日曰朏。書正義引周書月令曰。三日粦。粦即曰也。似漢書所引月采乃月令之譌。戊申月五日也。太保以五日之朝至洛。相卜所居。得卜。得吉卜也。孫氏云。乙未至戊申。自豐至洛。行十四日。吉行日五十里。豐至洛七百里也。周官太卜云。國大遷則貞龜。故須得卜。言得吉兆也。案周召一德。召公卜宅。正贊周公之事。故洛誥云。我卜惟洛食。即此卜。史公亦云。周公往營成周。維邑卜居焉。曰吉。遂國之。經營者。謂經

度朝廟路寢明堂郊社城郭之基址。四周表識其位。為攻位始事也。段氏云。王伯厚藝文志。說漢世諸儒所引異字。維丙午。蠡未檢出何書。此蓋惟丙午。𦘔之異文。今文尚書也。惟作維。𦘔作蠡。𦘔從月出。蠡與出雙聲。方言。蠡作也。廣雅。蠡出也。案蠡與𦘔音轉義亦近。

越三日庚戌。太保乃以庶殷攻位于洛汭。越五日甲寅。位成。

汭。隈曲中也。

疏

**箋云**周書作維。解曰。乃作大邑成。

周於土中。城方千七百二十丈。郭方七十里。南繫

於雒水。北因於邾山。以為天下之大湊。又曰乃位  
五宮。太廟宗宮考宮路寢明堂。周禮辨方正位。鄭  
氏引召誥說之曰。正位。謂此定宮廟。**釋曰**。經度營  
表其外已畢。遂命衆攻治之。江氏云。庚戌月七日也。  
能左右之曰以庶殷。衆衆殷民也。攻猶治也。位。城  
郭宮廟朝市之位。逸周書所言。即此經營洛之事。  
云城方千七百二十丈者。古者六尺四寸為步。三  
百步為里。則一里之長百九十二丈。依考工記匠  
人營國方九里。則當云方千七百二十八丈。適符  
其數。云方千七百二十丈者。略其奇數爾。云郭方七

十里。作洛解。原本作郭。方七百里。郭。謂郭也。方九里之城。方七百里之郭。非度也。當云七十里。故改之。甲寅月十一日。孫氏云。洛汭在洛入河之處。史記周本紀云。武王曰。自洛汭延于伊汭。說文云。汭。水相入也。案以庶殷者。言衆殷民皆向化和會。惟我所使。故五日而五官等位已皆成。可不作也。太廟后稷廟。宗宮祖考以上諸廟。考宮禘廟。路寢王居也。明堂在國之南。此五日而位已成。猶靈臺詩所謂<sup>謂</sup>庶民政之不日成之。謂大畧成其基址。大誥所謂既底法也。下文丕作。乃起堂構。勤垣墉之事。

左傳說武王克商遷九鼎於雒邑。史記亦云武王營周居於雒邑。蓋武王已有草創規模。遷鼎於此。至成王周公乃相土考卜。辨方正位。以建王國。為配皇天。主重器居中央。臨制四方。首善之區。故傳之區又曰成王定鼎於郊。鄩。卜世三十。卜年七百。即此經所謂得卜。三十七百終有窮期。惟敬德不怠。可以子子孫孫永保民。故此篇兢兢以祈天永命為勗。此第二節。記召公相宅卜宅攷位。

若翼日乙卯。周公朝至於洛。則違觀于新邑營。

史不書王往者。王於相宅無事也。疏釋曰若者順數

而轉下之詞。越之變文耳。翼者昱之借。昱日。明日也。達觀。通循環一週也。新邑營。召公所經營攻成之處也。江氏云。周公以十二日之朝至洛。通觀新邑之營域。案此云周公至洛。而下云太保取幣錫周公曰旅王若公。則是王亦至洛。而史不書者。王於相宅無事。蓋召公卜吉後。使使至周告王。王乃來。其序。召公最先至洛。周公次之。王來最後。洛誥云。孺子來相宅者。觀厥成耳。至周公往營成。卜吉。又使人至洛告王。故洛誥云。公既定宅。伋來來。一來至周。一來至洛也。此第三節。敘周公至洛觀所攻位。

越三日丁巳。用牲於郊。牛二。

**箋**云。郊者。祭天之名。注。孝經記曰。於郊。故謂之郊。作

雒解曰。乃設丘垤于南郊。以祀上帝。配以后稷。從江

氏讀越。一作粵。粵。說文曰。粵。方也。審慎之畧。从宋从方。

周書曰。粵三日丁巳。原誤亥**釋**曰。既達觀新邑營。

乃於所營郊社之垤。告祭天地社稷。丁巳。十四日

也。江氏云。為營垤于南郊。因用牲以祀天也。牛二

者。帝牛一。稷牛一也。郊用特牲。貴誠也。郊特牲云。

帝牛不吉。以為稷牛。帝牛必在滌三月。稷牛唯具。

所以別事天神與人鬼也。郊特牲而社稷太牢。禮器



曰。禮之以少為貴者。以其內心者也。德產之致也。精微。觀天下之物。無可以稱其德者。如此則德不傳以少為貴乎。是故君子慎其獨也。內心慎。獨皆貴。誠之誼。案王者事天明。事地察。南郊祀天。北郊祀地。周人皆以始祖后稷配。地統於天。故經多舉南郊。以該北郊。牲用郊牲。用騂犢。孫氏謂此在制禮前。尚稱殷禮用白。

越翼日戊午。乃社于新邑。牛一羊一豕一。

**箋云**

社祭地神。

注中庸

孝經說。社者五土之總神。周

禮鄭氏說。共工氏之子曰句龍。食于社。

大宗記曰。

天子社稷皆太牢。作洛解曰。乃建太社於國中。其  
壇東青土。東赤土。西白土。北驪土。中央疊以黃土。  
**釋曰**此因立社已定位而告祭后土。以句龍配。立  
社則自立稷。稷者原隰之神。原隰主生穀。稷為百  
穀之長。故以名穀神。夏以上以烈山氏之子柱配。  
商以來以周祖后稷配。建國必立社稷。經舉社以該  
稷也。戊午十五日也。江氏云。立社以祭后土。社用  
太牢。降于天也。又云。禮記郊特牲云。社祭土而主陰  
氣。是社祭后土。左傳云。共工氏有子曰句龍。為后土。  
后土為社。謂句龍生為后土之官。死則配祭于社。

案后土與稷之稱。神人共之。后土對皇天言。猶社對郊言。此地神也。句龍為后土之官。能平水土。配食於社。因蒙社名。此人鬼也。稷為五土中原。隲生百穀之神。亦地神也。柱與棄為后稷之官。能殖百穀。配食於稷。此人鬼也。王制云。天子社稷皆太牢。謂祭社稷各用太牢。牛羊豕也。白虎通曰。王者所以有社稷。何為天下求福報功。人非土不立。非穀不食。社稷以三牲何。重功故也。蓋祭社稷以太牢。備物以報功也。郊則觀天下之物。無可以稱其德者。故惟用特牲。明貴誠。此第四節。記在洛郊社。

越七日甲子。周公乃朝用書。命庶殷侯甸男邦伯。庶  
既命庶庶。庶殷丕作。

**釋曰**甲子。二十一日也。江氏云。周公量事期。計徒  
庸。慮材用。書之于冊。以命役于衆殷侯甸男服之  
邦伯。案作洛事大。周公既通觀新邑之營。量度造  
作事期之遠近。所需徒庸之人數。及材用之多少。  
審核無誤。乃載於書。以命諸侯。此侯甸男邦伯本  
皆殷之列侯。故冠以庶殷。曰殷庶者。謂殷之衆也。  
庶殷丕作。衆殷民皆樂效事於周。大起起功也。丕  
大也。作。起也。為也。此時王蓋已自周向洛。周公召公

待王至而以諸侯見。此第五節。記命庶殷興功。

以上第一章。敘作洛事。又案作雒解立郊社

及五宮。此但告祭郊社。不及宗廟。明堂者。郊社于壇。掃地而祭。即可用事。宗廟明堂。須俟築作功成。乃可祭。且王朝步自周。至于豐。固已告廟矣。此經用牲于郊。牛二。即孝經郊祀后稷以配天也。其宗祀文王於明堂。以配上帝。阮氏元約其時。謂當於己丑。各工皆成後。其後因以為祀明堂之常月。故月令己丑大饗帝。其說蓋是。當郊祀時。成王未至。及宗祀時。王蓋使周公獨來。且歸政以前。祭祀或

皆周公攝之。故孝經以郊祀宗祀專屬諸周公。當作洛時。周公行其禮。庶殷侯甸男等邦伯皆大和會助祭。故曰四海之內各以其職來祭。後成王即政。遂遵行其禮。後世永以為法。聖人大孝嚴父配天。此為人倫之至。阮氏郊祀宗祀說能見其大。愚於孝經學著之。而其間不無小疵。故於此刪取之。太保乃以庶邦冢君出取幣。乃復入錫周公曰。拜手稽首。旅王若公。誥告庶殷。越自乃御事。

所賜之幣。蓋璋以皮及寶玉大弓。此時所賜。召公見衆殷之民大作。周公德隆功成。有反政之期。而

欲顯之。因大戒天下。故與諸侯出取幣。使戒成王

立于位。以其命賜周公。疏**[箋云]**錫。賜也。旅。陳也。釋

詩箋引書曰。越乃御事。無自字。思齊**[釋曰]**此時諸

侯皆心悅誠服。周公之德。知其志在治定。即反政。

翕然惟命是從。庶殷丕作之後。蓋旬日間。王即至。

周公召公。及此時。以諸侯觀王。既觀。召公乃與諸

侯出取幣。又曰。以王命勞賜周公。大顯其勤力。王

家代已撥亂興治之功。烈休德。鄭云。所賜蓋璋。以

皮及寶玉大弓。其說必確有所受。賜周公之幣。後

自歸魯。故左傳以為魯公之分器。皮氏欲駁鄭注。

而強解左傳封父之繁弱訓之為與。分為二物。妄矣。江氏云。以猶與也。春秋定八年盜竊寶玉大弓。公羊傳云。寶者何。璋判白弓繡質。龜青純。是魯有此璋及寶玉大弓也。璋必配以皮。公羊傳璋即寶玉。鄭以璋及寶玉殊言之者。何注公羊云。平圭曰。璋。白藏天子。青藏諸侯。魯得郊天。故錫以白。不言璋言玉者。起圭璧琮璜璋五玉盡亡之也。傳獨言璋者。所以郊事天尤重。然則春秋所言玉不止于璋。以璋是禮天之玉。特尤異。故鄭別之。案定四年左傳云。公魯公以夏后氏之璜封父之繁弱。繁弱



即大弓。明堂位說魯受天子之器有崇鼎寶鼎大璜封父龜。越棘大弓。蓋此時所賜周公幣外。分魯公重器猶多。寶玉之玉兼圭璧琮璋璜。左傳特舉璜。公羊特舉璋。封父氏之器有龜有大弓。傳記各言其一。非相遠也。此時對諸侯大顯周公之功。必非以尋常束帛賜之。鄭云蓋者。此說雖確有本。無經傳正文。故為疑詞。此時所賜句語氣未終。下似當云後因以為魯分器之尤重者。引者畧之耳。大戒天下。謂告戒侯甸男等諸侯。所謂誥告庶殷也。賜戒成王讀戒速之戒。蓋周公召公與王在豐。豫

定至洛見諸侯之禮。召公此時賜戒成王立於位受諸侯覲。既覲出取幣。入以王命賜周公。其位蓋周公在阼西面。王負宸南面。召公及諸侯北面也。既錫周公。乃陳告。曰。敢拜手稽首陳言於王及公之前。若猶及也。誥即下文所云是也。庶殷衆殷邦伯也。越於也。猶與也。自蓋衍字。詩箋引經但云越乃御事。此陳言於王及公對衆殷邦伯與卿大夫治事者使共聞之。是即以誥告庶殷與御事也。此第二章第一節。敘召公率諸侯以王命錫周公幣。遂陳誥。

嗚呼。皇天上帝。改厥元子。茲大國殷之命。惟王受命。無疆惟休。亦無疆惟恤。嗚呼。曷其柰何勿敬。

言首子者。凡人皆云天之子。天子為之首耳。疏

曰元首。休慶恤憂。釋易何也。廣雅釋曰將告戒王

而先歎。陳善納誨。憂深思遠之情。來自覺其發於

聲。江氏云。言天改其首子大國殷之命。惟王其受

之矣。是死竟之美。亦死竟之憂也。其柰何不敬哉。

疆。竟也。案改厥元子以下十字為句。茲此也。言改

其首子此大國殷之命。以與周。惟王繼文武而受

天命為天下所歸。可基萬年有道之長。是無疆之

慶。任天下之重。百姓有辜。罪予一人。一或不慎。前  
監不遠。是亦無疆之憂。再言嗚呼。深歎之。任大責  
重如此。何其奈何弗敬乎。此篇反覆勉王以敬德。  
承天保民。於此首發其義。曷訓何。以書例當用假  
借字作害。既云曷又云奈何者。慎重嗟歎不覺其  
詞之複。或曰曷。衍字。奈。隸字。古當作柰。此第二節。古王當主  
敬。承天命。舉全篇義。  
天既遐終大邦殷之命。茲殷多先哲王在天。越厥後  
王後民。茲服厥命。

**箋云**遐。遠也。**詩釋**曰。遐。俗字。古當借瑕字為之。詩  
泉水傳云。瑕。遠也。江氏云。今天已遠。終殷命矣。此

殷先王之精爽在天。于其後繼世之王撫有其民。服膺茲命。天非不眷殷也。案遐終者。孔氏謂既去不復返也。此語絕痛。足為後王戒。服者。奉持附著之意。服奉附皆雙聲。言天命附著不離。如衣服在身然。下文有夏服天命義同。言殷先哲王神靈在天。於其後王後民當未喪師時。於此固服膺附著其天命。謂數百年享天之祿也。及紂大為無道。天乃棄之耳。孫氏讀遐為假。引釋詁。假已也。言天已終殷命。後王為紂。言紂之初未失民。亦於此附著其天命。及其終惡稔罪大。民怨已極。天命乃改。亦通。

厥終。智藏。康在。夫知保抱攜持厥婦子以哀籲天。但  
厥亡出執。

瘵病。疏箋云瘵一作緜。爾雅釋知匹也。釋曰瘵

終。後王之終。謂末孫紂也。紂為無道。賦賢虐民。賢

智者藏匿。病民者在位。瘵俗字。當假鰥字為之。江

氏云。保。讀為緜。小兒衣也。抱懷。原作蓐。今徂往

也。丈夫有匹偶者。緜緜負其子。攜持其妻。以哀號

呼天。欲往遁逃。案民若虐政之甚。欲往逃遠方。其

將為流言。卡無由達於樂土。且紂怒其叛。或出即被

執殺。民無地自容矣。孫氏云。紂政不善。智者知幾而

藏匿在者困于行役。詩何草不黃云。何人不矜。箋云。無妻曰矜。從役者皆過時不得歸。故謂之矜。即矜是鰥為離家行役之人。徂者。釋詁云。在也。言在者。喪亡出被執。魯案。孫訓。瘵為鰥。寡之鰥。徂為在。亦通。

嗚呼。天亦哀于四方民。其眷命用懋。王其疾敬德。

**釋曰**江氏云。天亦哀矜四方之民。其眷命用勉于敬德者。以為民主。王其敏疾于敬德哉。案眷顧也。懋勉也。疾速也。眷命眷顧而集大命也。天之愛民甚矣。豈其使一人肆於民上以縱其淫。東都賦云。

下人號而上訴。上帝懷而降鑒。乃致命於聖皇。即

此意。此第三節申上節而痛切言之。

相古先民有夏。天迪從子保。面稽天若。今時既陞厥命。命今相有殷。天迪格保。面稽天若。今時既陞厥命。

面。猶回向也。

**疏**云

三王禹始傳於子孝經鄭一

曰。子猶愛也。

注中庸格。陞也。

註釋來也。

**釋**曰

此因殷

而及夏。見天命不于常。善則得之。不善則失之。自

古而然也。江氏云。昔曰先民。視古昔夏王。天開之

道

之使有天下。又從其子而保右之。使繼世為君。而

猶回向也。禹回向稽天心而順之。今時則已陞其命

陞



知。又云。萬章問曰。人有言。至于禹而德衰。不傳于賢而傳于子。孟子曰。天與賢則與賢。天與子則與子。謂夏之繼世。天所使也。案孫氏引釋詁訓格為陞。蓋謂自諸侯升為天子。禹承唐虞之後而復古傳子之法。天開導而保佑之。故曰天迪從子保。湯伐桀救民升為天子。天亦開導而保佑之。故曰天迪格保。言天與人合也。禹湯亦皆回向天命。考其意而順之。言人與天合也。天人合應如此。宜若受命永固矣。然後王無道不法祖宗。則皆墜其命。皇天無親。惟德是輔。可不戒哉。孫氏又讀迪為攸。訓所。

天迪從子保。謂天所視若子而保安之者。天迪格保。謂天所來保安者。鄭云面猶回向。凡人有所向必回視。故太甲曰顧諟天之明命。多方曰開厥顧天。此第三節言當以夏殷為監。

今沖子嗣則無遺壽者。曰其稽我古人之德。矧曰其有能稽謀自天。

**箋**云有又。詩終自從也。釋壽考或作者老。漢書孔

風箋

詁

光傳

**釋**曰沖子謂成王。嗣嗣位時周公將歸政。故召公告以即政後敬天治民之道。言今沖子嗣位受天命則無遺老成人。言當尊任而親近之。所以然者。

曰其能稽考我古人之德以為我法。況曰其又能  
考謀之臧否以從天心乎。故不可遺也。稽我古人  
之德。即上所謂相古先民有夏。今相有殷也。洛誥  
云。考朕昭子刑。乃單文祖德。謂明堂五帝之法。則  
稽古尤遠矣。稽謀自天。即上所謂面稽天若也。康  
誥云。往數求于殷先哲王。汝丕遠。惟商考成人。別  
求聞由古先哲王。引于天。與此同意。聖人之道奉  
天而法古。故稽古同天為尚書開宗大義。蓋上古  
聖人繼天立極。由是後聖法先聖。後王法後先王。雖  
通變神化。因時制宜。而至德要道。大經大法。百世

不可得與民變革。此中國所以為普天大地中政教至善之國也。天道古道必於老成者德求之。故首以無遺壽考為戒。壽考今文或作耆老義同。

此第五節言王當尊信老成以稽古稽天如夏殷先王。

嗚呼有王雖小元子哉其不能誠于小民。今休王不敢後用顧畏于民毚。

**箋云**說文曰誠和也。从言成聲。周書曰王一本作不古字

通能誠于小民。言若若岳也。从石品。周書曰畏於

民若。讀與巖同。石釋曰江氏云若險也。小民難保故

曰民。言王雖幼小。乃天之首子哉。其大能和于小民。則于今休美。王其不敢後。用顧念小民。當畏于民之。堯。案上云天改厥元子。惟王受命。則王為天之元子。當為天大和于民。以成無疆之休。王其不敢後。于敬德。用顧念小民。且畏于民之。險。不敢後。所謂奈何弗敬。疾敬德也。後。正疾字之反。畏于民。若所謂無疆。惟恤也。說文引畏于民。若為句。蓋讀顧字一逗。水以載舟。亦以覆舟。君以民存。亦以民亡。天聰明自我民聰明。古之人君。恒以天命靡常。小人難保。自惕。是以長膺天命。而作民主也。

此第六節言王當敬德和民以保天命。起下文宅洛治民之義。以上第二章。陳受命敬德保民大義。

王來紹上帝。自報于土中。旦曰。其作大邑。其自時配皇天。毖祀于上下。其自時中乂。王厥有成命。治民今休。

自用。疏箋云。紹。繼也。註釋周禮天官序官。惟王建國。

鄭氏說。周公居攝而作六典之職。謂之周禮。營邑於土中。七年致政成王。以此禮授之。使居洛邑。治天下。司徒職曰。日至之景。尺有五寸。謂之地中。天

地之所合也。四時之所交也。風雨之所會也。陰陽

之所和也。然則百物阜安。乃建王國焉。曲禮曰。君

前臣名。自時自從。時是時慎也。

釋曰此以因今

作洛而戒王以他日居洛邑治天下之事。服同民

治也。言王來繼上帝。用治于土中。蓋繼天立極。用

地之中以布治于四方。使教令易徧。諸侯朝貢遠

近道里均。明目達聰。臨照四海。以為民極也。稱對

曰者。作洛本周公之謀。此述其平日慕王深重之

言為論治發端。此時諸侯皆知公將反政於王。故

對之。即從君前臣名之稱。江氏元江稱周公言為大

邑于土中。自是可以配皇天。而慎祀于上下神祇。  
自是可以宅中國<sup>治</sup>。王其有天之成命。治民今獲太  
平之美矣。案王者承天命以治民。惟畏天命故畏  
民。畏而使民如承大祭。故此云配皇天。即云必祀  
于上下。多方云。圖天之命。寅念于祀。與此同義。中  
又居土中。施政教。易以均平。使各得其中。且顧名  
思義。用其中於民也。此即洪範皇建有極。庶民于  
汝<sup>極</sup>之意。中又乃能有成命。文王基命。武王定命。成  
王<sup>用</sup>周公之道以成命。所以能長荷天休而永命也。

此第三章第一節。述周公詔王作洛圖治之言。



王先服殷御事。比介于我有周御事。節性。惟日其邁。  
王敬作所。不可不敬德。

**箋**云。介。一作介。邁。行。言所處也。一切經音義引三卷**釋**曰。江

氏云。召公既述周公之言。因即陳治民之道。案當時殷民始大和會。且知王將即政。初服尤為觀聽。向背所繫。服以德服之也。比。附也。介。日本山井鼎云。足利古本介作途。段氏謂偽。孔傳凡介皆訓大。此獨訓近。疑本作途而誤介。途古文通。見義雲章汗簡。蓋比通猶附近也。王治民之道。當先使治之。臣心悅誠服。附近于我有周治事之臣。節和其性。惟日

其行之。王其敬為之處所哉。不可不身自敬其德。惟敬其德乃能敬以處事。動不失道而人心服。論語曰。上好禮則民莫敢不敬。上好義則民莫敢不語服。上好信則民莫敢不用情。夫如是則四方之民襁負其子而至矣。此其服之之道也。無故無新。惟仁是親。至公無私。區處各當。則合同而化。自相比近為一矣。節性者。節制其性。西伯戡黎云。不虞天性。虞。度也。阮氏元合兩文說之云。謂節度之。蓋量度之度。與制度之度。一義引申。人性有仁義禮智之德。亦有味色聲臭之欲。節性者。節度其欲以順。

其理率其德。中庸曰發而皆中節。又曰君子而時中。鄭注曰。時節其中。此節性之義。節性在範之以禮。而禮主於敬。中庸上言戒慎恐懼。所謂敬也。惟日其邁。禮節民性。使日遷善而不自知也。王敬作所。盡人之性也。不可不敬德。盡其性也。或曰王敬作所。言以敬自處。即君子所其無逸之義。不可不敬德。申言之。夫惟敬其所以自止處。而後能敬四海之內。盡其性以盡人之性。其義一也。

我不可不監于有夏。亦不可不監于有殷。我不敢知曰。有夏服天命。惟有歷年。我不敢知曰。不其延。惟不

敬厥德。乃早陞厥命。我不敢知曰。有殷受天命。惟有  
歷年。我不敢知曰。不其延。惟不敬厥德。乃早陞厥命。

**釋曰**承上不可不敬德。舉二代所以陞厥命者為

戒。江氏云。秣年。多秣年所也。延之言長。不其延。言  
短也。言不可不監視。夏殷以為戒。夏殷秣年修短。  
我皆不敢知。唯知其皆以不敬德。故早隕其命。此  
則所當戒也。案偽傳於此。及君奭。我不敢知。皆說  
為不敢獨知。疏於此。謂王肅亦然。於君奭。謂鄭君  
亦同。則鄭解此文。與彼異。蓋此不敢知。對王言。怵  
惕戒懼之辭。言前之多歷年所。而後忽不長。其在

天者我不敢知。惟知其不敬厥德。致墜其命。由人自絕於天。以速其亡耳。彼不敢知。對召公言。殷勤引勸之辭。言殷始以善長孚於天休。終以不善而喪。我不敢謂獨知。亦君所深知。則輔王為善。我與君皆不可以有始而無終。義各有當。但推彼文以說此。謂我不敢獨知。亦王所知。寓誘勸之意。亦可。今王嗣受厥命。我亦惟茲二國命。嗣若公。

**釋曰** 江氏云。今王繼受其命。我亦思此二國命之。所以隊以為監。而繼順夏殷先王定國之功也。周禮曰。國功曰功。此第二節。言治民今休要在敬。

德乃能成命。敬與不敬。夏殷興亡。昭昭可鑒。

王乃初服。嗚呼。若生子。因不在厥初。生自貽哲命。今天其命。哲命吉凶。命歷年。知今我初服。

**箋云**孟子道性善曰孩提之童無不知愛其親也。

及其長也。無不知敬其兄也。仁義禮智我固有之也。詩曰天生烝民。有物有則。民之秉夷。好是懿德。

一說生子謂十五子。初生意于善。終以善。初生意

于惡。終以惡。

論衡率性篇蓋引今文舊說

**釋曰**

此以下勉王敬

德以永命。慎始而敬終。易曰正其本。萬物理。君子慎始。失之毫釐。謬以千里。服治也。言王今乃初將

即政為治。嗚呼。若養子然。無不在其初生。自與以  
哲命。哲。智也。仁義禮智信。皆天命之性。孩提愛敬。  
是人心固有之良知。為立命之本。是謂哲命。古者  
有胎教之法。有師保之學。使太子目見正色。耳聞  
正言。身行正事。少成若性。習慣自然。一有元良。萬  
國以貞。此三代所以有道之長。蓋天既於生人之  
初。各與以哲命。養子者。繼天而教成之。使日進於  
哲。而不入於昏愚。用自立其命。而不陷於天札危  
亡。故哲命者。天貽之。亦自貽之。其本皆在於有生  
之初。王初服。不可不慎也。王充以初生為年十五

時充雖妄合而此說當本書家舊義可備一解。江氏江勉王早自屬于善也。經言自詒哲命是謂能自教屬十五成僮書大傳略說曰十五始入小學就學之始自立之基善惡之所從起故以生子為十五也。孫氏云生猶養也。說文育養子使作善也。學記云大學之法禁於未發之謂豫注云未發情慾未生謂年十五時十五為太子入學之年若生子謂若養子教之初生謂情欲初生也。案貽俗字古多用遺詒字為之人受命於天有德命有祿命哲命德命也吉凶歷年祿命也天命人以哲而人



稟氣有清濁。或汨沒其哲而為愚。哲者為善。天命以吉而多歷年。不哲者為不善。天命以凶而年不永。雖千百中不無一二之異。而大分常理要自不爽。故言今天其命哲乎。命吉命凶乎。命歷年多少乎。我皆不敢知。惟知我王今初服當疾敬德而已。言哲不言愚。言歷年不言不永。而吉凶則竝言之。省文互見也。江氏訓知為匹。云今天制此三命。匹配我王之初服而命之。言命雖自天實自詒之也。亦通。

宅新邑。肆惟王其疾敬德。王其德之用。祈天永命。其

惟王勿以小民淫用非彝。亦敢殄戮用乂民。若有功其惟王位在德元。小民乃惟刑用于天下。越王顯。

**釋曰**

如上所言。則王初政當疾敬德。以至終有成

命。應年永保民。所謂自遺哲命也。江氏云。祈求也。今王居新邑。其疾敬德哉。王惟德用。所以求天長命也。長命。即所謂應年也。案用字絕句。王氏先謙謂與梓材肆王惟德用義同。或連下讀。非也。兩言其惟。皆承敬德用德而言。勿毋也。淫。過。尋常也。江氏云。亦亦勿也。敢。讀如聘禮。非禮也。敢之敢。言勿敢。王勿以小民過用非常。戒毋擾民。亦勿敢用殄戮。

以治民。戒毋虐民也。惟順以導之。乃有功效。案勿  
以小民淫用非彝。敬德不敢肆也。亦勿敢殄戮用  
人。民任德不任刑也。或以淫用非彝屬民言。謂王  
毋以民多為非法。而不敢用殄戮為治民之方。是  
尤而效之。含怒而不敬德。非體天之仁。故戒以毋  
然。若有功。或連上民字讀。言用德治民。民心順則  
有功。王位在德元。江氏云。德元。天德乾元也。王者  
體元居正。位乎天德。故曰王位在德元。易曰。飛龍  
在天。乃位乎天德。刑法也。位在德元。小民法之以  
用于天下。于王光顯矣。案刑同型。法也。詩曰。百辟

其刑之刑用于天下。羣黎百姓徧為爾德也。故于

王光顯。

上下勤恤。其曰我受天命。丕若有夏歷年。式勿替有  
殷歷年。欲王以小民受天永命。

**箋云**

上謂君也。下謂臣也。

中庸式用替廢也。說潛

夫論曰人君身修正賞罰明者國治而民安。民安

樂者夫悅喜而增歷數。故書曰王以小民受天永

命。

**正釋曰**

王疾敬德羣臣輔之。君臣一德憂勞天

下。相期曰我受天命其大順之能如有夏歷年之  
久乎。用子孫勿替如有殷歷年之久乎。皆欲王以小

民受天永命也。易曰。大有君子以遏惡揚善順天休命。丕若之義。詩曰。子子孫孫勿替引之。式勿替之義。上言祈天永命。敬德以祈之。所謂永言配命。自求多福也。此言受天永命。祈而得之。所謂於萬斯年受天之祜也。民之所欲。天必從之。民心所在。即天命所在。故曰。以小民受天永命。潛夫論所言。說此經甚當。孫氏云。勤恤即安民。安民乃命永。案當時卜世三十。卜年七百。天命已昭彰。但聖賢德大而心小。不敢自恃。惟庶幾於夏殷之歷年。此其所以畏天命。畏民。若積德累仁。永命至八百年以

外也。秦以強力取天下。自謂子孫帝王萬世之業。  
大為無道。四海怨畔。不旋踵而亡。傳曰。周過其歷。  
秦不及期。後之君人者可不監哉。此第三節。詳  
言敬德治民以永天命之道。以上第三章。承周  
公言懇誠勸王敬德祈天永命。其言忠厚愷惻。憂  
深思遠。成王所以能繼文武而奠周家丕基者。周  
召二公之教也。

拜手稽首曰。予小臣敢以王之讎。民百君子。越友民。  
保受王威命明德。王末有成命。王亦顯。我非敢勤。惟  
恭奉幣用。供王能祈天永命。

拜手稽首者。召公既拜興。曰。我小臣以下。言召公

拜訖而復言也。百君子。王之諸侯與羣吏。疏箋云

說文曰。讐。猶應也。部讐。一作酬。釋友。一作有。續漢

律麻志曰。冀百君子。越有民同心敬授。釋曰。此節

總結誥辭。歸重於以德祈天永命。拜手稽首者。頭

至手因。即至地。盡禮致敬而終言之。以深感王也。

曰者。既拜興而言也。稱予小臣者。謙也。江氏云。讐。

猶應也。百君子。皆為王牧民者。故曰讐民。百君子。

案讐亦作酬。酬亦應也。諸侯羣吏當與民相親。日

相酬對。讐民。百君子。猶康誥云。應保殷民。酒誥云。

司民也。越於也。猶與也。友。愛也。保。安也。末。終也。言  
我敢以王之牧民諸臣與共愛民。安受王之威命  
明德。威命。德威惟畏也。明德。德明惟明也。王明德  
慎罰。羣臣皆務愛民而安受奉行之。上下勤恤如此。  
則王終有成命。王亦光顯矣。上言王厥有成命。越  
王顯期於始也。此言王末有成命。王亦顯。美其終  
也。友或作有。蓋今文字。王氏先謙謂有者語訛。有  
民。民也。言我敢與應民諸臣及民。安受王威德。我  
非敢勤者。江氏云。勤讀如詩序杖杜勤歸之勤。勤。  
勞也。幣。即太保取以入錫周公者也。言我非敢勞公。



惟奉此幣將用以共待王能求天長命。孫氏云周書克殷解王入即位于社。召公奭贊采。供奉也。言我徒敬供贊采之職。用奉王能祈天永命。重勉之以敬德也。案敬德安民。則能配皇天。祗祀于上下。而受多福。增厯數。故奉幣以待之。召公奉幣于王。而王以錫周公。猶唐叔得禾獻諸王。王使歸周公也。召公終言此。欲王長守周公之訓。疾敬德以有成命也。此第四章結諸辭大意。